

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ
Клуб посланика СДП БиХ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
Klub poslanika/zastupnika SDP BiH

Sarajevo, 15.04.2025.godine

PREDSTAVNIČKI DOM
PARLAMENTARNE SKUPŠTINE BiH
n/r predsjedavajućeg

BOSNA I HERCEGOVINA PARLAMENTARNA SKUPŠTINA BOSNE I HERCEGOVIN S A R A J E V O			
PRIMLJENO:		15-04-2025	
Organizaciona jedinica	Klasifikaciona oznaka	Redni broj	Broj priloga
01	50-1	962	25

PREDMET: Prijedlog za uvrštavanje nove tačke u dnevni red 27. sjednice Predstavničkog doma Parlamentarne skupštine Bosne i Hercegovine

Na osnovu članova 8. 71. i 72. Poslovnika Predstavničkog doma Parlamentarne skupštine BiH („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23, 87/23, 50/24 i 73/24), predlažem da se u dnevni red 27. sjednice Predstavničkog doma Parlamentarne skupštine Bosne i Hercegovine uvrsti nova tačka dnevnog reda koja glasi „Inicijativa o načinu isplate duga u predmetu Viaduct d.o.o. Portorož“.

U prilogu dostavljam materijal u vidu zaključaka koje ću predložiti Predstavničkom domu na razmatranje i usvajanje.

S poštovanjem,

Poslanica SDP BiH
Ermina Salkičević Dizdarević

1. Dug prema Viaduct d.o.o. Portorož, Vladimir Zevnik iz Ankarana, Republika Slovenija i Boris Goljševec iz Pirana, Republika Slovenija je nastao iz poslovnog odnosa, odnosno spora između Vlade RS i navedenog pravnog i fizičkih lica. Samim tim nastali dug je dužna da plati Republika Srpska.
2. U situaciji kada Vlada RS ne želi izmiriti nastali dug, u cilju sprečavanja daljih štetnih posljedica koje se ogledaju u evidentnoj prijetnji sudskim izvršenjem nad imovinom BiH ako se obaveza hitno ne izmiri, dnevne kamate od cca 9.000 EUR, blokadu računa BHANSA-e i s tim u vezi rizik isključivanja BiH iz međunarodnog sistema avio prevoza, daljeg narušavanja međunarodnog ugleda BiH i sl. nalaže se Vijeću ministara da hitno za navedenu namjenu privremeno preusmjeri sredstva sa višegodišnjeg projekta za nabavku zgrade za smještaj Središnjeg ureda i Regionalnog centra Banja Luka Uprave za indirektno oporezivanje u iznosu od 103,4 miliona KM te da razliku do potrebnog iznosa za pokriće ukupnog duga namiri sa drugih kapitalnih projekata koji nisu okončani odnosno u kojima još uvijek nije uspostavljen obligacioni odnos sa ugovornom stranom. Za provođenje knjigovodstvenih i administrativnih procedura iz ovog zaključka se zadužuje Ministarstvo finansija i trezora BiH i Uprava za indirektno oporezivanje Bosne i Hercegovine.
3. Pravobranilaštvu BiH se nalaže da po izmirenju duga prema firmi Viaduct d.o.o. Portorož, Vladimir Zevnik iz Ankarana, Republika Slovenija i Boris Goljševec iz Pirana, Republika Slovenija od strane Ministarstva finansija i trezora BiH odmah pokrene regresnu tužbu protiv Vlade RS na osnovu Sporazuma o međusobnim pravima i obavezama u vezi sa arbitražnim postupkom u predmetu "Viadukt d.o.o. Portorož, Vladimir Zevnik iz Ankarana, Republika Slovenija i Boris Goljševec iz Pirana, Republika Slovenija, protiv tužene Bosne i Hercegovine" (ICSID CASE NO. ARB/16/36) pred Međunarodnim centrom za rješavanje investicionih sporova u Vašingtonu (Službeni glasnik BiH broj: 54/17) koji je 2017. godine potpisan između Vijeća ministara BiH i Vlade Republike Srpske.
4. Nalaže se Ministarstvu finansija i trezora BiH da po izvršenju uplate duga od strane Vlade RS zaprimljena sredstva vrati na projekat (projekte) sa kojih su sredstva privremeno preusmjerena kako bi se implementirao višegodišnji projekat nabavke objekta za smještaj Središnjeg ureda i Regionalnog centra Banja Luka kao i drugi projekti sa kojih su sredstva bila privremeno izuzeta.
5. Zaduguje se Vijeće ministara BiH da u Nacrtu Budžeta institucija BiH i međunarodnih obaveza BiH za 2025. godinu unese i odredbe sljedećeg sadržaja:
 - Zbog vanredne situacije izazvane neizmirenjem obaveza po izvršnoj presudi Međunarodnog centra za rješavanje investicionih sporova u Vašingtonu u predmetu predmetu "Viadukt d.o.o. Portorož, Vladimir Zevnik iz Ankarana, Republika Slovenija i Boris Goljševec iz Pirana, Republika Slovenija, protiv tužene Bosne i Hercegovine" (ICSID CASE NO. ARB/16/36) od strane Republike Srpske koja je uzrokovala nastali spor, zaustavljanja daljih štetnih posljedica po imovinu i interese Bosne i Hercegovine, privremeno su u cilju osiguranja sredstava za izmirenja duga, sredstva odobrena za višegodišnje projekte (sredstava za nabavku

objekata za smještaj Središnjeg ureda i Regionalnog centra Banja Luka Uprave za indirektno oporezivanje u iznosu od 103,4 miliona KM i sredstva sa drugih vrijednosno manjih projekata, u kojima institucije BiH nisu uspostavile obligacioni odnos sa drugom stranom na izvršenju projekta, do visine ukupnog duga) preusmjeravaju na direktne transfere u okviru budžeta Bosne i Hercegovine, u cilju izmirenja predmetne obaveze.

- Po izvršenju povrata uplaćenih sredstava po predmetnom dugu institucijama BiH od strane Vlade Republike Srpske, Ministarstvo finansija i trezora će ista vratiti na višegodišnje projekte sa kojih su sredstva privremeno izuzeta u cilju njihove dalje implementacije.
6. Predstavnički dom Parlamentarne skupštine Bosne i Hercegovine poziva Tužilaštvo Bosne i Hercegovine da se aktivno uključi u navedeni predmet u cilju utvrđivanja odgovornosti za nastali pravni spor kao i posljedice koje su raznim opstrukcijama stvarnih dužnika ili njihovih predstavnika dovele do povećanja osnovnog duga po osnovu kamata i drugih troškova a koje plaćaju građani Bosne i Hercegovine.